



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-185-4/23**
Datum: **09.06.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Plantrans dijabaz“ d.o.o. Banovići za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodno-poslovnih objekata namjene sekundarne prerade dijabaza na separaciji „Breštica“, izgrađene na zemljištu označenom kao k.č. br. 1184/8 K.O. Repnik, općina Banovići, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

RJEŠENJE **o vodnoj dozvoli**

1. Pravnom licu „Plantrans dijabaz“ d.o.o. Banovići daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodno-poslovnih objekata namjene sekundarne prerade dijabaza na separaciji „Breštica“, izgrađene na zemljištu označenom kao k.č. br. 1184/8 K.O. Repnik, općina Banovići.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (zemljani taložnici, betonski kanali i slivnici, kanalizaciona mreža, betonski separator ulja i masti i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se onečišćene vode sa radno-manipulativnih površina i vode sa platoa za tankovanje goriva, pranje i servisiranje mehanizacije nesmetano sakupljaju i odvede do objekata predviđenih za tretman tehnoloških otpadnih voda (betonski separator ulja i masti, zemljani taložnici), a zatim ovako tretirane vode ispuštaju u definisani recipijent - prelivni kanal iz jezera Breštica.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu

davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).

3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.9. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.10. Da se istrošena ulja, nauljene krpe i sav opasan otpad koji će nastati na prostoru separacije „Breštica“ redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog postrojenja obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Plantrans dijabaz“ d.o.o. Banovići obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodno-poslovnih objekata namjene sekundarne prerade dijabaza na separaciji „Breštica“, izgrađene na zemljištu označenom kao k.č. br. 1184/8 K.O. Repnik, općina Banovići.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerjenje o poreznoj registraciji od 17.10.2011. godine izdato od strane Kantonalnog poreznog ureda u Tuzli – ovjerena kopija,
- Uvjerjenje o registraciji u Jedinstveni registar obveznika indirektnih poreza, broj:04/1-17-1-35-415-5/11 od 25.07.2011. godine izdato od strane Uprave za indirektno-neizravno oporezivanje Banja Luka - ovjerena kopija,
- Rješenje o odobrenju za građenje, broj:12-04/04-23-358/07 od 12.09.2007. godine izdato od strane Ministarstva prostornog uređenja i zaštite okolice Tuzlanskog kantona – ovjerena kopija,
- Rješenje o urbanističkoj saglasnosti, broj:12-04/5-23-787/06 od 22.11.2006. godine izdato od strane Ministarstva prostornog uređenja i zaštite okolice Tuzlanskog kantona – ovjerena kopija,
- Rješenje o vodnoj dozvoli, broj:UP-I/25-3-40-215-4/18 od 28.05.2018. godine izdato od strane Agencije za vodno područje rijeke Save, Sarajevo – ovjerena kopija,
- Rješenje o okolinskoj dozvoli, broj:12/01-1-23-024486/18 od 17.12.2018. godine izdato od strane Ministarstva prostornog uređenja i zaštite okolice Tuzlanskog kantona – ovjerena kopija,
- Rješenje o vodnoj dozvoli, broj:04/1-25-6447/19 od 16.04.2019. godine izdato od strane Ministarstva poljoprivrede, šumarstva i vodoprivrede Tuzlanskog kantona – ovjerena kopija,
- Rješenje o odobrenju izvođenja radova po Glavnom rudarskom projektu, UpI broj:06-18-158/08 od 30.06.2008. godine izdato od strane Federalnog ministarstva energije, rudarstva i industrije – ovjerena kopija,
- Ugovor sklopljen sa JP „Vodovod i kanalizacija“ d.o.o. Banovići za isporuku vode, broj:05/23 od 14.03.2023. godine – ovjerena kopija,
- Ugovor sklopljen sa JP „Vodovod i kanalizacija“ d.o.o. Banovići za održavanje, čišćenje i preuzimanje sadržaja iz septičke jame, broj: 04/23 od 14.03.2023. godine – ovjerena kopija,
- Računi broj: 1/23 i 2/23 izdati od strane JP „Vodovod i kanalizacija“ d.o.o. Banovići – kopije,
- Punomoć podnosioca zahtjeva bez broja od 15.02.2023. godine,
- Ugovor sklopljen sa „Kemeko-BH“ d.o.o. Lukavac, broj: 576-01/22 od 28.07.2022. godine – kopija,
- Otpremnice broj: 17-05/23 i 16-03/23 izdate od strane Benjadin d.o.o. Banovići – kopije,
- Transportna dokumentacija br. 044/23 od 15.05.2023. godine izdata od strane Kemokop d.o.o. Tuzla – kopija,

B. Tehnička dokumentacija:

- Opći akt o održavanju, korištenju i osmatranju vodnog objekta i postupanje u slučaju kvara ili havarije urađen od strane „Plantrans-dijabaz“ d.o.o. Banovići, separacija „Breštica“, april 2018. godine,
- Program obavljenja monitoringa za Plantrans dijabaz d.o.o. Banovići (separacija) urađen od strane Institut za hemijsko inženjerstvo Tuzla, oktobar 2014. godine,
- Elaborat o ispitivanju kvantitativnih i kvalitativnih karakteristika efluenta sa programom praćenja stanja voda (monitoring) i rezultatima monitoringa za Plantrans-dijabaz d.o.o. Banovići (separacija), januar 2023. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22)

izvršen je uviđaj na prostoru lokacije proizvodno-poslovnih objekata namjene sekundarne prerade dijabaza na separaciji „Breštica“, izgrađene na zemljištu označenom kao k.č. br. 1184/8 K.O. Repnik, općina Banovići i tom prilikom sačinjen Zapisnik o izvršenom uviđaju broj: UP-1/21-3-40-185-2/23 od 05.06.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Privredno društvo „Plantrans dijabaz“ d.o.o. Banovići bavi se eksploatacijom eruptivnog kamena dolerit dijabaza metodom površinske eksploatacije i njegovom daljom preradom u komercijalne frakcije. Objekat kamenoloma je smješten u Velikoj Ribnici gdje je locirano i primarno separatno postrojenje.

- Sekundarno separatno postrojenje „Breštica“ se nalazi oko 4,0 km od Banovića na putu od Banovića prema Zavidovićima na udaljenosti od oko 500 m od jezera Breštica. Glavne proizvodne operacije su drobljenje i prosijavanje kamene frakcije prečnika Ø 22-63 mm.

- Osim industrijskog kruga, u okviru pogona se nalaze kontejner za smještaj radnika i laboratorij, magacin za alat i maziva, nadzemni rezervoar za naftu zapremine $V=10 \text{ m}^3$ u betonskoj tankvani, pralište mašina, betonski separator ulja i masti te prostor za tankovanje goriva.

- Oborinske vode sa platoa kompleksa se slijevaju u obodni kanal dok se onečišćene vode sa uređenog platoa za pretakanje goriva, povremene popravke i pranje građevinskih strojeva i mehanizacije, sistemom kanala odvođe na tretman u betonski trokomorni separator ulja i masti kapaciteta $Q=1.20 \text{ m}^3$. Nakon prečišćavanja ove vode se ispuštaju u zemljani taložnik. Krajnji recipijent je prelivni kanal iz jezera Breštica.

- Čišćenje i pražnjenje uređaja za tretman tehnoloških otpadnih voda, odnosno separatora ulja i masti vrši „Kemokop“ d.o.o. Tuzla.

- Snabdijevanje vodom za potrebe obaranja prašine u toku proizvodnog procesa rješava se po potrebi dovozom iste putem autocisterni u skladu sa sklopljenim ugovorom sa JP „Vodovod i kanalizacija“ d.o.o. Banovići.

- Zbrinjavanje sanitarno-fekalnih otpadnih voda vrši se u septičkoj jami bez preliva, a njeno čišćenje po potrebi vrši po sklopljenom ugovoru JP „Vodovod i kanalizacija“ d.o.o. Banovići.

- Voda za piće se obezbjeđuje kao flaširana.

- Servisiranje i opravke mehanizacije se vrše na licu mjesta, na platou predviđenom za te namjene.

- Rezultati monitoringa tj. kvantitativnih i kvalitativnih karakteristika efluenta iz mjeseca januara 2023. godine ukazuju da rezultatima analize nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj 26/20, 96/20).

U periodu od izdavanja Rješenja o vodnoj dozvoli broj:UP-I/25-3-40-215-4/18 od 28.05.2018. godine izdato od strane Agencije za vodno područje rijeke Save, Sarajevo na prostoru separacije Breštica nije vršena dogradnja sistema, izgradnja novih sadržaja, objekata i sl.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Plantrans dijabaz“ d.o.o. Banovići ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodno-

poslovnih objekata namjene sekundarne prerade dijabaza na separaciji „Breštica“, izgrađene na zemljištu označenom kao k.č. br. 1184/8 K.O. Repnik, općina Banovići, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-185-3/23 od 08.06.2023. godine.

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „Plantrans dijabaz“ d.o.o. Banovići
Božička Banovića br 20, 75290 Banovići,
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava